



БҰЙРЫҚ

ПРИКАЗ

20.09.2024 № 1678

Астана қаласының білім беру саласындағы кейбір мемлекеттік ұйымдардың жарғыларына өзгерістер мен толықтырулар енгізу туралы

Қазақстан Республикасы Азаматтық кодексіне, Қазақстан Республикасының «Қазақстан Республикасындағы жергілікті мемлекеттік басқару және өзін-өзі басқару туралы», «Мемлекеттік мүлік туралы» заңдарына сәйкес, «Астана қаласының Білім басқармасы» ММ 2024 жылғы 11 қыркүйектегі № 1255-қж қызметтік жазбасы негізінде, «Астана қаласының Активтер және мемлекеттік сатып алу басқармасы» ММ туралы Ережені басшылыққа ала отырып **БҰЙЫРАМЫН:**

1. Астана қаласының білім беру саласындағы төменде көрсетілген кейбір мемлекеттік ұйымдардың жарғыларына қосымшаға сәйкес өзгерістер мен толықтырулар енгізілсін:

- 1) Астана қаласы әкімдігінің «№ 15 мектеп-лицей» ШЖҚ МКК жарғысына 1-қосымшаға сәйкес;
- 2) Астана қаласы әкімдігінің «Қаныш Сәтпаев атындағы № 61 мектеп-лицей» ШЖҚ МКК жарғысына 2-қосымшаға сәйкес;
- 2) Астана қаласы әкімдігінің «Ақжан Әл-Машани атындағы № 92 мектеп-лицей» ШЖҚ МКК жарғысына 3-қосымшаға сәйкес.

2. Жоғарыда көрсетілген Астана қаласының білім беру ұйымдарының басшылары Қазақстан Республикасының заңнамасында белгіленген тәртіпте және мерзімде осы бұйрықтан туындайтын қажетті шараларды қабылдасын.

3. Осы бұйрықтың орындалуын бақылауды басшының орынбасары А.М. Амринаға жүктелсін.

Басқарма басшысының м.а.

Б. Қайратұлы



орын: Е. Смаилов
тел: 55 72 30
e.smailov@astana.kz

«Астана қаласының Активтер және мемлекеттік сатып алу басқармасы» ММ

2024 жылғы « 20 » 09

№ 1678 бұйрығына

1 қосымша

Астана қаласы әкімдігінің «№ 15 мектеп-лицей» шаруашылық жүргізу құқығындағы мемлекеттік коммуналдық кәсіпорнының Жарғысына енгізілетін өзгерістер

Астана қаласы әкімдігінің «№ 15 мектеп-лицей» шаруашылық жүргізу құқығындағы мемлекеттік коммуналдық кәсіпорнының жарғысына мынадай өзгерістер енгізілсін:

7-тармақ жаңа редакцияда жазылсын:

«7. Кәсіпорынның заңды мекенжайы: Қазақстан Республикасы, 010000, Астана қаласы, «Сарыарқа» ауданы, Сарыарқа даңғылы, № 20 ғимарат.»;

15-тармақ мынадай мазмұндағы 11), 12), 13), 14) тармақшалармен толықтырылсын:

«11) жеке тұлғаның шығармашылық, рухани және дене бітімі мүмкіндіктерін дамыту, адамгершіліктің және салауатты өмір салтының берік негіздерін қалыптастыру;

12) белсенді азаматтық ұстанымы бар жеке тұлғаны тәрбиелеу, республиканың қоғамдық-саяси, экономикалық және мәдени өміріне араласу қажеттіліктерін, жеке тұлғаның өз құқықтары мен міндеттеріне саналы көзқарасын қалыптастыру;

13) отандық және әлемдік мәдениеттің жетістіктеріне баулу, қазақ халқының және Қазақстан Республикасында тұратын басқа да ұлттардың тарихын, әдет-ғұрпы мен дәстүрлерін зерделеу болып табылады;

14) барлық оқушылардың ерекше білім беруге қажеттіліктерін және жеке мүмкіндіктерін ескере отырып, білім алуға тең қолжетімділікті қамтамасыз етуге жағдайлар жасау.»;

29-тармақтың 3) тармақшасы жаңа редакцияда жазылсын:

«3) Кәсіпорында оқу процесі ағымдағы жылғы 1 қыркүйектен бастап келесі жылғы 25 мамырға дейін жүзеге асырылады. Оқу жылы ішінде каникулдар белгіленеді. Бірінші сынып оқушылары үшін қосымша апталық демалыстар белгіленеді.»;

41-тармақ жаңа редакцияда жазылсын:

«41. Білім беру туралы заңнамаға сәйкес, Кәсіпорын балаларды алты жастан бірінші сыныпқа қабылдауды қамтамасыз етеді.

Бірінші сыныпқа баратын балалардың ата-аналарынан (заңды өкілдерінен) өтініштерді қабылдау ағымдағы жылғы 1 сәуірден бастап 31 тамыз аралығында жүргізіледі.»;

54-тармақтың 10) тармақшасы жаңа редакцияда жазылсын:

«10) Кәсіпорында белгіленген бірыңғай мектеп формасын түрлі діни конфессияларға қатысты киім элементтерін қоспағанда, сондай-ақ дене шынықтыру сабақтарында спорттық формасын сақтауға міндетті.»;

55-тармақ мынадай мазмұндағы 5), 6) тармақшалармен толықтырылсын:

«5) мектеп формасына түрлі діни конфессияларға қатысты киім элементтерін енгізуге тыйым салынады;

6) мектеп формасына травматикалық фурнитурасы бар киім мен аксессуарларды киюге тыйым салынады.»;

59-тармақ мынадай мазмұндағы 8) тармақшамен толықтырылсын:

«8) мектеп формасынан түрлі діни конфессиялардың тиесілілік элементтері бар киім киюді және травматикалық фурнитурасы бар аксессуарларды алып тастауға міндетті.».